

乾隆元和縣志

元和縣志卷之三十五

藝文

同沈恭子遊虎邱

清達道士

我本長殷周遭罹歷秦漢四瀆與五岳名山盡幽竄
及此客區中始有遊峯玩近峯何處蹻平湖渺瀰湯
挽川之陰步上山之岸山川其澄徹光彩交淩亂
白雲霧欲歸青松忽消半客去川魚靜人來山鳥散
谷深中見日崖幽曉非旦聞子盛遊遊風流足詞翰
嘉茲好松石一言常累歎勿謂予鬼神忻君其幽贊

遊虎邱寺觀清虛道士詩追和其韻

唐皮日休

或道自衰周避世，寧知炎漢荆杞雖。
云稊煙霞尚容竇，茲岑信靈異。
吾懷懷流玩石，澀古鐵鉉嵐重輕。
埃漫松膏膩，幽徑蘋沫著孤岸。
諸蔗幄幕暗衆鳥，陶匏亂巖罅。
地中心海光，天一半元猿行列歸。
白雲次第散蟾蜍，生夕景沆瀣。
餘清旦風日采幽什，墨客學靈翰。
嗟予慕斯文，一詠復三歎。
顯晦雖不同，茲吟粗堪贊。

從永陽王遊虎邱山

張正見

滄波壯鬱島洛邑鎮崇芒未若茲山聲名堯顓水精
地靈侔少室塗艱像太行重巖標虎踞九曲峻羊腸
溜深澗無底風幽谷自涼押沉餘王氣劔隱絕星光
白雲多異影丹桂有叢香遠看銀臺聳洞塔雜山莊
瑞草生金地天花照石梁

陪陸長源裴樞遊武邱寺

唐皎然

雲水夾雙刹遙凝湧平敞入門見藏山元化何繇窺
戍組探詭怪停聽訪幽奇情氣爲爽德暖春亦隨
瑤草自的皪黃樓爭蔽虧金精壞陵劔彩沉靈池

一覽匝天界中峯步未移應來生公石列坐援松枝

題東武邱寺

白居易

舍利看非遠祇園入始深龍蟠松矯矯玉立竹森森
怪石千僧坐靈池一劍沉海當亭兩面山在寺中心
酒熟憑花勸詩成倩鳥吟寄言軒冕客此地好幽簪

夜遊西武邱寺

白居易

不厭西邱寺閒來卽一過舟船轉雲鳥棲閣出煙蘿
路人青松影門臨白月波魚跳驚乘燭猿觀怪鳴珂
搖曳雙紅旆娉婷十翠娥

客清蟬應響香花助新綺
十妓從遊重

鐘梵避笙歌。傾郡時將久。遊山數幾何。一三十二度。
非少亦非多。

武邱寺路

白居易

自開山寺路。水陸社來頻。銀勒牽驕馬。花船載麗人。
菱荷生欲遍。桃李種仍新。好約湖堤上。長留一道春。

武邱寺路宴留別

白居易

銀泥裙映錦障泥。畫舸停橈馬簇蹄。清管曲終鸚鵡。
語紅旂影動駮輪嘶。漸銷醉色朱顏淺。欲語離情翠。
黛低。莫忘使君吟咏處。女墳湖北虎邱西。

遊虎邱

劉禹錫

青林虎邱寺林際翠微路立見山僧來遙從鳥飛處
茲峯淪寶玉千載惟邱墓埋劒人空傳鑿山龍已去
捫蘿披翳薈路轉夕陽遠虎嘯崖谷寒猿鳴松杉暮
徘徊北樓上海江第一顧日映千里帆鴉歸萬家樹
暫因悵所適果得滄外慮庭暗棲還雲簷香滴甘露
久迷空寂理多爲聲華故永欲投此山餘生豈能誤
發蘇州後登武邱寺望海樓

劉禹錫

獨宿望海樓夜深珍木冷僧房已閉戶山月方出嶺

碧池涵劒彩寶刹搖星影超憶郡齋中虛眠此時景

虎邱寺

張籍

望月登樓海氣昏劒池無底浸雲根老僧只怕山移
去日暮先教鎖寺門

題虎邱東寺

張祐

雲樹擁崔嵬深行異俗埃寺門山外入石壁地中開
仰砌池光動登樓海氣來傷心萬古意金玉葬寒灰

題虎邱西寺

張祐

巖塵楚城外一寺枕通波松色入門遠岡形連院多

花時常到處別路半經過惆悵舊禪客空房深薜蘿

虎邱石壁詩

幽獨君

青松多悲風蕭蕭聲且哀南山接北山幽壙空崔嵬
白日空昭昭不照長夜臺雖知生者樂魂魄安能回
况復念所親痛哭心肝摧慟哭復何言哀哉後哀哉

答幽獨君詩

無名氏鬼

神仙不可學形化空遊魂白石非我朝青松爲我門
雖復隔幽壙猶知念子孫何以遣悲怨萬物歸其根
寄言世上人莫厭臨芳餚莊生問枯骨王樂復何言

虎邱

宋 范仲淹

昔見虎耽耽今爲佛子巖雲寒不出寺劍淨未離潭
幽步難尋境高禪雪間庵吳都十萬戶烟瓦亘東南

虎邱

蘇軾

入門無平地石路穿細嶺陰風生澗壑古木翳潭井
湛盧誰復見秋水光耿耿鐵花秀巖壁殺氣禁蛙黾
幽幽生公堂左右立頑礪當年或未信異類服精靈
胡爲百歲後仙鬼互馳騁窮然留清詩讀者爲悲哽
東軒有佳致雲水麗千頃熙熙覽生物春意破清冷

我獨屬無事暖日相與永喜鵲翻初旦愁鳶蹲落景
坐見漁樵還新月溪上影悟彼良自怡歸田行可請

虎邱

元 郊 詔

春草青青繞闔閭山深石徑轉崎嶇空聞落日騰金
虎無復重泉闕玉鳧陸羽井深春雨歇生公石在白
雲孤傷心莫問魚腸劍怨逐秋聲上轆轤

雪霽顧仲瑛偕予與陳惟允坐劍池上惟允爲
寫圖因賦詩云

郊 詔

殘雪落林度西嶺陰澗寒泉凝素練兩僧倚樹聽

鍾一鶴臨流照清影松間旭日映山椒
白雲英英雨飄何當爲置王摩詰更添
一樹紅芭蕉

題張校理王著作作徐記室遊虎阜

明高啟

前身似是雲水僧餘習愛覓名山登
最憐虎阜在平地一邱勢敵千峻嶒
缺厓深深翳密葉欹石兀兀纏危藤
昔年無事恣幽賞拄杖叩門來屢曾
風廊聽竹移廣簾雪屋煨芋明高燈
禪堂素壁醉題滿老衲喜客無嗔憎
別來三載困塵土散落畧盡同遊朋
谷猿

清叫烟霧隔宵夢欲往天蒼蒼幽懷鬱抱不得寫一
月雨聲眠枕肱相親尙有北郭友材盡齊楚慙曹滕
張君名駒稟神駿王子快鶻生鋒稜並淹客館校遺
籍雲路萬里遠塞禽徐卿亦是瑚璉器遠役又欲行
擔簦明朝山鵲定鳴霽跬步可游何不能一林一澗
幽景在遙想與鵲無虧增朱櫻綠筍雖已過正愛夏
木陰層層欲營此行况甚易婦有藏酒魚新罾出城
不必借車馬已辦布襪青行滕吾儕雖窮自有樂相
聚豈比蟲豸亂離撥置且勿道願賦妙語留傳摩

劔池

高 啟

千將欲飛出巖石裂蒼磧
中間得深泉探測廢脩綬
一穴通海源雙崖樹交影
山中多居僧終歲不飲井
殺氣凜猶在樓禽夜頻警
月來照潭空雲起噓壁冷
蒼龍已何去遺我清絕境
聽轉轆轤聲時來試幽苾

第三泉亭聯句

王 鎰 王 銓
都 穆

鑿開孤嶂一痕青 鑿 洞酌還來漱玉亭 銓
霜落丹楓

秋欲老 穆 池涵寶劔氣無腥 鑿 煎從桑苧傳三昧飲

對離騷喜獨醒却怪又新多浪語 銓 猷於楊子詫中

元和縣志
卷三十五
洽穆

題虎邱

日本僧
天祥

東西兩寺今爲一有客登臨見斷碑
剩水殘山王霸業苦風酸雨鬼仙詩
樓臺半落長洲苑簫鼓時來短簿祠
盤郢魚腸何處是轆轤千尺縹空池

虎邱中秋新霽

國朝
吳偉業

萬籟廣場合道人心地平天留今夜
月雨洗去年兵歌管星河動裊燈風
露清淒涼闔闔墓斷壑起松聲
癸巳春日禊飲社集虎邱卽事四首

吳偉業

楊柳絲絲逼紫烟
筆床書卷五湖船
青溪勝集仍遺老
白裕高談盡少年
荀屐鶯花看士女
羽觴冠蓋會神仙
茂先往事風流在
重過蘭亭意惘然

蘭臺家世本貽謀
高會南皮話昔遊
執友淪亡驚歲月
諸郎才調擅風流
十年故國傷青史
四海新知笑白頭
脩禊只今添俯仰
北風杯酒酌營邱

訪友扁舟挂席輕
梨花吹雨五茸城
文章興廢關時代
兄弟飄零爲甲兵
茂苑聽鶯春社飲
華亭聞鶴故

園情衆中誰識陳驚坐顧陸相看是老成
絳帷當日重長揚都講還開舊草堂少弟詩篇標赤
幟故人才筆繼青箱拙毫共集梁園製布席爭飛曲
水觴近得廬陵書信否寄懷子美在滄浪

顏書石刻

吳偉業

魯公戈法勝吳鉤決石雖沙莫與儔火照新碑山翠
出劒潭月落影悠悠

鴨脚浜

汪琬

柳外鶯雛弄好音暫牽畫舫入溪陰綠花欲放黃鶯

美穀雨纔晴綠樹深才少不堪文字飲興酣那惜短
長吟麥秋時節須行樂已分功名付陸沉

恭紀

萬歲樓落成

尤侗

闐闐天高紫氣浮蒼龍夙駕下蘇州春風初繞千人
石曉日羣瞻

萬歲樓漢詔獨和追地節唐碑頌德勝之采吾
皇遊豫民歌舞虎阜從今號

帝邱

真娘墓

唐白居易

真娘墓虎邱道不識真娘鏡中面唯見真娘墓頭草
霜催桃李風折蓮真娘死時猶少年脂膚美手不牢
固世間尤物難留連難留連易消歇塞北花江南雪

真娘墓

李商隱

虎邱山下劒池邊長遣遊人歎逝川
骨樹斷絲悲舞席出雲清梵想歌筵
柳眉空吐效顰葉榆莢還飛買笑錢
一自香魂招不得祇應江上獨嬋娟

真娘墓

宋譚銖

虎邱山下冢累累松栢蕭條盡可悲
何事世人唯重色真娘墓上獨留詩

真娘墓

明梅鼎祚

何不學仙冢累累白陽西郭陰風悲
虎邱一叩真娘墓薜荔援牆蘭委露
千歲冢茸幾樹花夜飄鬼火曉啼鴉
向憐挾瑟彈清月猶憶吹簫乘彩霞
吳闔少年往來道黛蛾似燕誰能好
酒滴春雲夢不消泉聲幽咽鐘聲老
陌上行遊緩緩歸昨日紅顏今日非
東望闔閭穿莽處玉鳬欲化湛盧飛

顧淵云按此詩曹石倉名勝志載爲宋米芾作蓋
錄吳中有舍翠亭僞帖曾假是詩託元章以行題
曰元豐壬辰米芾書流傳人間卽再洽如石倉尙
不能辨及考元豐紀元始戊午終乙丑而無壬辰
其敗闕已見史明古有言世之作僞者幸其淺陋
不學古人得而議之此類是也今從禹珠集中錄
是詩以正之

女墳湖

吳王葬女處

唐

陸龜蒙

水平波淡遶廻塘
鶴殉人沈萬古傷
鹿是離魂雙不
得至今沙上少鴛鴦

五人墓行

國朝

邵長蘅

春光潯海山塘路
遊絲晴絮嬌芳樹
翠芳樹翠芳樹
翠芳樹翠芳樹

碑云是前朝五人墓借問五人誰中央笑兀顏

東西四塚排鼎鼎墓門畫鎖松風迴書生曾讀前朝
史依稀能說前朝事天啟年間歲在寅緹騎四出驚
狂獬此時一舸飛吳閭屬鞬續續來昂藏吏部短衣
出就逮觀者擁塞如堵將轟轟萬口那可辨哭聲震
天日色黃五人大呼奮臂起形勢欻忽厓夷輔誰何
一校先橫屍中丞却避御史忙詔收棄市罪激變至
今死骨傳芬芳憶昔逆關恣塗炭鏃斧銅甕衣冠殃
諸公駢首填牢戶東林首指左與楊從與就考備五

毒尸蟲噬肌不得葬

叶

閻奴更灼熏天燄
寥祠金榜

蛟龍翔鳳闕敢儼至尊
埒龜趺忽立成均旁
往往嵩呼九千歲
晃旒袞玉爭輝煌
寧知勢歇頓翻覆
七尺自絕阜城吭
生祠處處毀
斥盡木石估
值充邊防
豈惟闕祠旋毀撤
廿年變故那能說
鼎湖鳬雁飛滿天
鍾山天壽狐狸穴
玉匣珠襦夜不扃
皇陵白骨愁冬青
眼前寂寞一坏土
奈天樽柏蒼蚪
解年年寒食山
橋畔指點飛花說
五人

山塘旅寓二首

劉姜 塚

憶弟看雲日飄零滿地愁烽烟迷古戍花草轉皇州
作客猶初夏夢家及暮秋向來登眺意憔悴仲宣樓
地接蒼山遠年催白髮新登臨興廢眼離亂死生身
秋水有孤鶩寒塘無幾人渡江諸弟子隨意五湖春

山塘紀事二首

國朝 朱彝尊

寒食山塘路游人隊隊偕祈楊充舉隸簫鼓導神牌
紅粉齊當牖銀花有墜釵殷勤短主簿端笏立咋階
吳俗迎城隍神至虎邱道士以王
珣地主袍笏立咋階延至厲壇
神來官道擁祝祭厲壇仍活脫青袍引縱橫繡纓乘

巫風書具訓奢俗禮宜懲手版紛紛集吾憐張季鷹
吳俗土穀神城內外各十多以手版
迎城隍張翰祠對門外亦與焉

寄顧云美

國朝 汪琬

遙羨風流顧愷之愛翻新曲覆殘碁家臨綠水長洲
苑人在青山短簿祠芳草乍逢飛燕候落花已過浴
盤時一春不得同遊賞孤負風光滿鬢絲

闔閭城西有賣花翁討春之士往往造焉因招

襲美

唐 陸龜蒙

故城邊有賣花翁水曲舟輕去盡通十畝芳菲爲舊

葉一家煙雨是元功
閑添藥品年年別
笑指生涯樹
樹紅若要見春歸
處所不過攜手問東風

賣花辭

山塘多種花者

明高啟

綠盆小樹枝枝好
花比人家別開早
陌頭擔得春風
行美人出簾
聞叫聲移去
莫愁花不活
賣與還傳種
花訣餘香滿路
日暮歸猶有蜂蝶相隨飛
買花朱門
幾回改不如擔上花長在

種花

國朝邵長蘅

山塘映清溪
人家種花樹
清溪鴨頭青
門前虎邱路

春陽二月中雜花千萬叢朝賣一叢紫夕賣一叢紅
百花百種態牡丹大嬌貴一株百朵花十千甫能賣
朱門買花還四面護紅闌繡幕遮風日嬌歌間清彈
後有閒花木點綴白石盆咫尺邱壑趣風蟠松檜根
買實几案間一盆直千銀老圃解種花老農解種穀
種穀輸官租種花豔儂目種花食肉糜種穀食糠粃
還復受敲朴肉剝難爲醫嗟呀重嗟呀老農苦奈何
呼兒賣黃犢明年學種花

宿半塘寺

宋 鄭思肖

一襟清氣足此夜豈入寢醉夢松杉下吟身臥露間
秋懸當殿月雲宿近城山明發騎鯨去飄然不可攀

題牛塘寺顧叔明畫松壁

明孫寧

顧君叔明善畫松筆勢直與韋偃同片縑幅紙不易
得人爭一覩清雙瞳玉岩上人卽榮可早躋十地成
全功禪房素壁耀霜雪繪畫未許來庸工叔明對此
役意匠捉筆跳叫聲摩空須臾貌作老蛟影毫端曾
若回腥風隔坐時疑翠灣響鉤簾或訝元雲封宿鶴
已去落花盡庭前細雨春濛濛老夫尋幽適相遇覽

之便覺心神融酒酣信手一揮洒醒媿沈花溪上翁

臨頓里

唐皮日休

郭郭曠若郊墅余每相訪欵然惜去因成五言十首奉題屋壁

一方蕭灑地之子獨深居繞屋親栽竹堆床手寫書
高風翔砌鳥暴雨失池魚暗識歸山計村邊買鹿車
離疎從綠槿簷亂任黃茆壓酒移溪石煎茶拾野菓
靜意懸雨笠閒壁挂煙炮支遁今無骨誰爲世外交
幽稀初上簇醅盞未乾片盡日留蠶母移時祭建王

趁泉澆竹急候雨種蓮芒更葺園中景應爲韻時驅
靜僻無人到幽深每自知鶴來添日數琴到益家資
壞堊生魚沫頽簷落燕兒空將綠蕉葉來往寄閒詩
夏過無擔石日高開板扉僧雖與筒簞人不與蕉衣
鶴靜共眠覺鷺馴同釣歸生公石上月何夕約談微
經歲芹烏紗讀書三十車水痕侵病竹蛛網上衰花
詩任傳漁客衣從遶酒家知君秋晚事白幘刈胡麻
寂歷秋懷動蕭條夏思殘久貧空酒庫多病束魚竿
元想凝鵝扇清齋拂鹿冠夢魂無俗事夜夜到金壇

閉門無一事安穩睡涼天砌下翹飢鶴庭陰落病蟬
倚杉閒把易燒木靜論元賴有包山客時時寄紫泉
病起扶靈壽翛然強到門與杉除敗葉爲石整危根
薜蔓狂遮壁蓮華卧枕盆明朝有忙事召客斲桐孫
緩頰稱無利低眉號不能世情都大薄俗意就中憎
雲態不知驟鶴情非會徵小臣誰奉詔來此寫姜肱

龔美題郊居十首次韻酬之

陸龜蒙

近來惟樂靜移傍故城居閒打脩琴料時討謝藥書
夜倚江上鳥晴晒溪中魚出亦閑何事無勞置我車

倩人醫病樹看僕補衡茅散髮還同阮無心敢慕巢
簡便書露竹樽待破霜匏日好林間坐烟蘿僅欲交
倭僧留沔紙山匠製雲牀懶外應無敵貧中直是王
池平鷗思喜花盡蝶情忙欲問新秋計淺綠一畝強
故山空自擲當路竟誰知祇有經時策全無養拙資
病深憐炙客炊晚信樵兒謾欲陳風俗周官未采詩
輞地能容甍元關詎有扉靜思瓊板宇閒洗鐵筇衣
烏破涼煙下人衝暮雨歸故園秋草夢猶記綠微微
水影沉魚器鄰聲動緯車蕪輕捐墜葉蜂懶卧燠花

說史評諸例論兵到百家明時如不用歸去種桑麻
禹穴竒編缺雷平異境殘靜吟封簾檢歸興削帆竿
白石堪爲飯青蘿好作冠幾時當斗柄同上步網塹
強起披衣坐徐行處暑天上塔來關雀移樹去驚蟬
莫問鹽車駿誰看醬瓿元黃金如可化相近買雲泉
野入青蕪巷陂侵白竹門風高開栗刺沙淺露芹根
迸鼠緣藤桁飢鳥立石盆東吳雖不改誰是武王孫
陟謁真有素時勢盡無能風月誰爲敵林泉幸未憎
酒材經夏闕詩債待秋徵祇有同君辭閑來對幽壑

題陸山人樓

山人名士名相
爲戴顓宅故址

儲光義

暮聲雜初雁
夜色涵早秋
獨見海中月
照君池上樓
山雲拂高棟
天漢入清流
不惜朝光清
其如千里遊

寄馮侍御

白居易

揚州驛裡夢蘇州
夢到花橋水閣頭
覺後不知馮侍御
此中昨夜共誰遊

師子林十二咏

明高啟

師子峰

風生百獸低
欲吼空山夜
疑是天目巖
飛來此山下

含暉峰

演漾弄晴暉江山秋歛扉我吟康樂句日暮澹忘歸

吐月峰

四更棲鳥驚山白初上月起開東閣看正在雲峰缺

立雪堂

堂前參未退立到雪深時一夜山中冷無人祇自知

卧雲室

夕卧白雲合朝起白雲開惟有心長在不隨雲去來

問梅閣

問春何處來春來在何許月憶花不言幽禽自相語

指栢軒

清陰護燕兒中有忘言客人來問不應笑指庭前栢

玉鑑池

一鏡寒光定微風吹不波更除荷芰影放取月明多

冰壺井

圓甃夏生冰光涵數星冷窓有定中僧休牽轆轤綆

脩竹谷

翠竹落經床林鳩午鳴後笋出恐人來編籬遮谷口

小飛虹

初看卧波影應恐雨崇朝過澗尋師去端如度石橋

大石屋

渾沌復輪囷全無斧鑿紋門臨五湖水坐納四山雲

弔七姬冢

高啟

疊玉連珠棄草根仙遊應逐馬嵬魂孤墳掩夜香初
冷幾帳留春被尙溫佳麗總傷身薄命艱危未負主
多恩爭妍無復呈歌舞寂寂蒼苔鎖院門

百口橋

王實

百口橋邊春日斜
舊時開過紫荊花
山東人說張公
藝此是吳中顧訓家

東禪

宋僧遇賢

門前綠樹無啼鳥
庭下蒼苔有落花
聊與東風論箇
事十分春色在誰家

登文星閣

國朝程邑

城隅瞻眺對芳春
傑閣巍巍迥絕塵
憑檻應疑到霄
漢捲簾長可摘星辰
千年組豆威儀肅
三月鶯花氣
象新猶有名山
書在劒光遙燭斗牛津

定慧院顓師爲予竹下開嘯軒 宋蘇軾

啼鴉催天明喧喧相詆諆
暗蛩泣夜永唧唧自相吊
飲風蟬至潔長吟不改調
食土蚓無腸亦自終夕叫
爲貪聲最鄙鵲喜意可料
皆緣不平鳴慟哭等嬉笑
阮生已踈狂孫子亦未妙
道人開此軒清坐默自照
衝風振河海不能歸無竅
寂寂吾何言風來竹自嘯

烏鵲橋

高啟

烏鵲南飛月自明
恨通雲漢水盈盈
夜來橋上吳娃過
只道天邊織女行

南園

在城南吳起廢時王鎮元珍亦闢營之
三十年時甲吳中今郡學東萊園也

高 啟

君不見平樂館古城何處寒雲滿君不見奉誠園荒
臺無蹤秋草繁白石沉山水歸海寒暑頻催陵谷改
皇天大運有推移富貴於人豈長在請看當年廣陵
王雙旌六纛何輝煌幸逢中國久多故一家割據誇
雄強園中歡遊恐遲暮美人能歌客能賦車馬春風
日日來楊花吹滿城南路疊石爲山引泉爲池辟疆
舊園何足奇經營三十年欲令子孫永保之不知回

首今幾時繁華掃地無復遺門掩愁鴉嘯風雨種菜
老翁來作主空餘怪石對池邊欲問興亡不能語春
已去人不來一樹兩樹桃花開射堂踰圃俱青苔何
須雍門琴但令對此便可忘人生不飲胡爲哉人生
不飲胡爲哉

南園二首

國朝 彭孫遹

三月南園雨復晴輕衣初試踏青行
碧桃水暖通人境綠柳陰濃覆女城
春草欲將幽佩結夕陽多傍曉
橈明開中易有芳時恨落空林已暗驚

聞唱吳歎早倦聽南園猶竹片時停策賢舊苑春
暮相國東門草白青南園廣陵王錢元璣池館宋基
賢叔理蘇舜欽買居之在吳東
門方樹斜陽成晚晚孤枕細雨極飄零朝來觸日多
惆悵榆莢花殘已滿庭

封谿雜興

明韓雍

霜重林已空風高水愈涸荒園一散步暮景覺驚索
忽見古梅樹橫斜出籬落攬衣看枝柯相將綻紅萼
歲寒幸有此氣味儘可託

與二弟泛舟遊吳氏東莊因寄匏翁

文林

緣城畛流水榆柳綠蔭門
艤舟信登涉忽得吳公園
小亭面高岡蘿徑隱可捫
青山出牆頭白雲宿林根
歌鶯滯池曲游魚戲波渾
繁景當首夏過雨氣微溫
老我獨已樂偕有弟與昆
清唱散林木起行歷郊原
日斜亂人影眷戀忘歸轅
木末予夙好况茲故情敦
主人方宦達樂事誰與論
室邇人則遐相思黯消魂
出處各有會一笑復餘尊

雨夜宿吳匏菴宅

沈周

雨中客舍苦局促故人招我有尺牘書云竹屋可開
坐烹茶剪韭亦不俗得書輒往興亦豪何慮衝泥污
雙足開門山林在城市溼綠如雲亞羣竹主人鑿圻
故意深道慰契闊須信宿榻上爲我設衾枕堂中爲
我羅酒肉我時肺病已絕飲強舉一觴連五六長談
細辨困僕夫燈影簷花亂書屋羨君有弟雅誼同山
水光明信珠玉故事方思衛八家還咏逍遙堂後木
人生良會豈易易他日如今又難卜謬圖菲語何足
記雪泥聊耳知鴻鶴

西施采蓮歐冶鑄劍所

李紳

嵐光花影繞山陰山轉花稀到碧濤
傾國美人妖艷遠鑿山良冶鑄爐深
凌波莫惜臨妝面瑩鏐當期出匣心
應是蛟龍長不去若耶秋水尚沈沈

采蓮湮

在城東南

高啟

青房戢多子采得儂心喜今夜水風涼
君王宿船裡行處綠雲迷歌聲一道齊
回頭調越女何似若耶溪

赤門道中

張羽

片帆迢遞入吳烟竹淑蘆洲斷復連
柳影濃遮官道

上蟬聲多傍驛樓前近湖漁舍皆懸網而浦人家盡
種蓮行到吳王夜遊處滿川芳草獨堪憐

荷花蕩夜歸次吳水部德徵詩 文林

采芳日暮未言歸處處村家息杼機水漫蓮洲愁路
斷月明沙渚覺鷗飛高歌小海風波急回首橫塘烟
火微蘭棹屢移尊屢倒不知露下已霑衣

寶帶橋

釋善住

蓮得他山石還將石作梁直從隄上去橫跨水中央
白鷺下秋色蒼龍浮夕陽濤聲當夜起併入榜歌長

寶帶橋弔陳瑋妻張氏

國朝

吳有涯

不得死郎前將心託何處橋邊水鳴咽定向吳江去

丙戌正月被擄
至此投水死

澹臺湖

施閨章

子羽善含章耿介蘊雄畧高步薄詭隨棲遁躡芒屨
寥寥衡門內弦歌時聞作中流怒雙蛟長嘯氣不作
揮劍復碎壁慷慨何卓犖寧知渡江來音徽助文學
古墓緬雲烟荒祠照城郭洋洋湖波間流風一如昨

九里湖

吳驥

太湖風濤湧銀屋望處令人駭心目豈知數里小添
湖近接吳淞烟水曲未能朝宗會百川頗擅清虛遠
塵俗沿隄冉冉春流漫拍岸溶溶朝雨足桃花浪暖
鏡光明時動微瀾數輕鷁忘機鷗鳥自往還無意汀
蒲爲誰綠農憂亢旱資灌溉戶有鮮鱗供口腹我遊
朔方思故鄉恒厭黃埃暗山谷此日南歸得縱觀欣
聞漁唱聲相續欲收佳景入吟懷俄報斜陽去何速

顧榮廟

明高啟

晉侍中顧彥先有墓并祠在長洲之東久而

廢爲淫祀縣令周君復之爲賦是詩

軍司吳國秀機神夙超朗弱冠遊洛師已蒙南金賞
崎嶇諸王幕沉湎務遵養中罹廣陵艱計服匪誠枉
風雲一揮扇義旅臻同響事竣恥言勲飄然理歸袂
晉社始祖遷羣賢悉收獎道謁真感會矯翼丹霄上
德聞一代稱跡泯千齡往時屯壬良佐美謨益堪想
壇祠託荒郊蕭條並榛莽蕙華侵雨墜淫巫閭神幌
大夫過停轅式瞻爲含愴衣冠復故貌几筵敝新享
寡劣忝鄉人因歌表遐仰

問吳宮辭

并序

吳宮辭

甫里之鄉曰吳宮在長洲苑東南五十里非
夫差所幸之別館耶披圖籍不見其說詢故
老不得其地其名存其跡滅悵然興懷古之
思作問吳宮辭

彼吳之宮兮江之涯復道盤盤兮高且斜波搖疏兮
霧濛箔茵茵國兮鴛鴦家鸞之簫兮蛟之瑟駢筠參
差兮界綠密燕曲房兮上初日月落星稀兮歌酣未
畢越山叢叢兮越溪疾美人雄劍兮相先後出火姑

蘇分沼長洲此宮之麗人兮留乎不留霜氛重兮孤
榜曉遠樹枯疎兮愁烟梢渺欲撫愁烟兮問故宮又
恐愁烟兮惟白鳥

暑中遷寓甫里精舍

元柳貫

城隅亦有果園坊容得閒人借草堂何必漁樵之笠
澤故多水石近滄浪過橋稍接魚蝦市泛艇遙連雁
鷺鄉秋雨幾時能破塊夜燈休負讀書牀

懷甫里

倪瓚

節竹依依故里石刊翰墨藪糊龐公力田二頃拾遺

扁舟五湖

野老移家圖爲謝應芳賦

袁華

野老移家向何許
迺在吳淞之甫里
治生頗學陶朱公
釣竿欲覓元真子
小兒讀書坐船頭
大兒擊楫歌中流
細君斫脰婦炊黍
老子醉卧蘆花秋
人生真樂不易得
兒女團圓居澤國
避秦何必問桃源
朝泊江南暮江北

謁甫里祠

明高啟

衣冠寂寞半塵絲
想見江湖獨卧時
邁跡虛煩明主

許思惟猶聞人語金魚舟去雲過清溪照開空耳
清池芳藻一杯誰爲奠鼓聲只到水神祠

偶過甫里乘月至白蓮寺訪天隨故祠

文徵明

一龕香火白蓮宮古社猶題甫里翁坐挹高風千載
上依然故宅五湖東雨荒杞菊流螢度月滿陂塘闌
鴨空故草已隨塵土化空瞻遺像寂寥中祠自唐時
遺像爲狂
人所仆腹中皆翁手稿後
像雖設而篇不可復得矣

魏文靖舊宅唐羅昭諫先曾結菴於此

蔣 鉉

野廟斜陽古渡頭千年唐宋水空流
蒲砧響落三更月收蘧寒生萬樹秋
老我亂離來避地昔人哀怨此登樓
於今不必憑高望荒草吳宮更起愁

青邱子歌

高 啟

江上有青邱子徙家其南因自號青邱子閒
居無事終日苦吟間作青邱子歌言其意以
解詩淫之謂

青邱子臞而清本是五雲閣下之仙卿何年降謫在

世間向人不道姓與名躡屣厭遠遊荷鋤嬾躬耕有
劍任羞澁有書任縱橫不肯折腰爲五斗米不肯掉
舌下七十城但好覓詩句自吟自酬賡田間曳杖復
帶索傍人不識笑且輕謂是魯迂儒楚狂生青邱子
聞之不介意吟聲出吻不絕咿咿鳴朝吟忘其飢暮
吟散不平當其苦詩兀兀如被醒頭髮不暇櫛家事
不及營兒啼不知憐客至不果迎不憂回也空不慕
猗氏盈不慙被寬褐不羨垂華纓不問龍虎苦戰鬪
不爲烏兔忙奔傾向水際獨坐林中獨行踈元氣搜

凡精造化萬物難隱情冥茫入極遊心兵坐令無象
作有聲微如破懸蝨壯若屠長鯨清同吸沆瀣險比
排崢嶸雷驚晴雲披軋軋凍草萌高攀天根探月窟
犀照牛渚萬怪呈妙意俄同鬼神會佳景每與江山
爭星虹助光氣烟露滋華英聽音諧韶樂咀味得太
羹世間無物爲我娛自出金石相轟鏗江邊茅屋風
雨晴閉門睡足詩初成叩壺自高歌不顧俗耳驚欲
呼君山老父攜諸仙所弄之長笛和我此歌吹月明
但愁歎忽波浪起鳥獸駭叫山搖崩天帝聞之怒下

遣白鶴迎不容在世作狡獪復結飛珮還瑤京

磧砂寺

在陳湖北

沈周

雙幢落日倚漁江北下孤舟此暫停野客偶驚雲外
犬老僧隨掩石邊經沙洲獨樹藤蘿紫古殿遺基薺
麥青今夜試留湖上枕疎鐘高浪不堪聽

遊張林山

徐黃

偶爲尋花到竹西南山雲氣接高低午憩僧舍林塘
窈窕野人家草樹齊水鶴晴時行參龍閑蜂暖處識
蘭畦自憐遠地歸來後纔是登臨便感懷

陳湖秋汎

陳基

平湖秋色曉蒼蒼
鼓枻聲傳浦溼涼
鴻雁欲來天拍水
蒹葭初老露爲霜
菊荒甫里人何在
鱸入松江興轉長
不用臨流重懷古
蘼花菱葉滿滄浪

夜渡吳淞江懷古

唐·宋之問

倚棹望茲川
消冤獨照然
鄉連江北樹
雲斷日南天
別龍初沒書
成雁不傳
離舟無限意
催渡復催年

過吳淞

李鄴

片帆孤客晚夷猶
紅蓼花前水驛秋
歲月方驚離別

盡烟波仍駐古今愁雲陰故國山川暮潮落空江緝
畧收還有吳娃舊歌曲棹歌遙散采菱舟

吳淞漁樂

明 沈貞

家住滄洲白鳥邊
搗魚沽酒自年年
桃花浪暖魚垂釣
楊柳風輕不繫船
帆影帶歸孤嶼月
笛聲吹散一江烟
武陵亦是人間路
誰說仙家別有天

題李無晦醉眠亭

宋 蘇軾

已向閭中作地仙
更於酒裏得天全
從教世路風波惡
賀監偏工水上眠

君且歸休我欲眠人言此語出天然醉中對客眠何
害始信陶潛未若賢

題醉眠亭

蘇轍

是非一醉了無餘惟有胸中萬卷書已把人生比夢
傳更將江浦作堦除欲眠賓客從敎去倒臥還穩豈
暇舒京洛舊遊真夢裏秋風無復憶鱸魚

泛潏山湖

明屠隆

扁舟凌紫氛蕭灑絕人羣浦暗遙吞樹湖空不碍雲
浪推沙鳥出風挾寺鐘聞故有滄洲癖徘徊春夕曛

干將墓

高啟

干將善鑄劒，劒成終殺身。吳王亦遂亡，神物豈不神。
始知服諸侯，威武不及仁。徒勞冶金鐵，精光動星辰。
莫邪應同埋，荒草千古春。青蛇冢間出，猶欲恐耕人。
吳亭問潮館

國朝徐崧

千年鳴脚樹，婆娑亭畔行。舟日夜過莫，問海潮重到。
未狀元吾郡，自來多

夜至陽城田家

明高啟

東津渡頭秋月輝，南陵寺裏遠鐘微。主人入夜門未

掩浦響清塘鵝鴨歸

渡陽城湖

釋法果

不知何所事身墮渺茫開岸白流魚沫天青出蜺山
樹微看漸滅雲薄去如閒無限隨波意輕舟試往還

低田婦

沈周

湖田十年纔一畊今年又與湖波平男兒築岸婦踏
水日長踏多力不生百輻翩翩轉鴉尾塗足蓬頭濯
風雨君不見田家不悔苦生涯生女還復嫁田家

吳歌六首

屠隆

下田春水深高田春水綠何故把長鑿無錢買黃犢
兩男易盎粟猶勝委長渠厨中無夜飯門外催官租
天上明月光腫臃照華堂富家一夕宴貧家千日糧
蓮子湖中生亦在湖中長嬌女年十三乘舟學蕩槳
風蓬鳴夜雨水檻出蒼烟夫妻湖口住白首不相捐
終朝出餉儘薄暮歸織布誰家懷春女輕衫若烟霧

船趁風

是風起天不雨
約十日餘乃止

宋蘇軾

吳中梅雨旣過颯然清風彌旬歲歲如此吳
人謂之船趁風是時海船初回云此風自海

上與舶俱至云爾

三句已過黃梅雨萬里初來舶趁風幾處禁回度山
曲一時清駛滿江東驚飄簸簸先秋葉喚醒昏昏
睡翁欲作蘭臺快哉賦卻嫌分別問雌雄

秋雷歎

吳韻云秋字轉韻萬斛謂立秋口雷也

范成大

立秋之雷損萬斛吳儂記此占年穀汰哉豐隆無藉
在政用此時鳴字繞向來夏旱連三月吁嗟上訴聲
滿屋訟風未愆復占雷助愆爲妖天更酷我雖閑寂
黍稷史家請官俱尚倉粟應甌貧交滿目前卒歲將

何救枵腹但願吳儂言不驗共割黃雲炊白玉天人
遠近叵戲論禪竈安能尸禍福

冬春行

范成大

臘中儲蓄百事利第一先春年米計羣呼步確蒲門
庭運杵成風雷動地篩勻箕健無糶糴百斛只費三
日忙齊頭圓絮箭子長隔離耀日雪生光土倉瓦甕
分蓋藏不蠹不腐常新香去年薄收飯不足今年頓
頓炊白玉春耕有種夏有糧接到明年秋刈熟鄰叟
來觀還歎嗟貧人一飯不可時官租私債分如麻有

米冬春能幾家

燒火盆行

范成大

春前五日初更後排門然火如晴晝大家薪乾勝豆
秸小家帶葉燒生柴青烟滿城天半白栖鴉驚飛啼
格磔兒孫團坐雞犬忙鄰曲歡笑遙相望黃宮氣應
纔兩月歲陰猶驕風栗烈將行陽令作好春正要火
盆生煖熟

照田蠶行

范成大

鄉村臘月二十五長竿燃炬照南畝近似雲間森列

星遠如風起飄流螢今春雨塗繭絲少的知新歲田
蠶好夜來風焰西復東此占最吉餘難同不惟柔賤
穀芄芄仍更苧麻無節菜無虫

分歲祠

范成大

質明奉祠古今同吳儂思昏蒸土風禮成樂徹夜未
艾飲福之餘卽分歲地爐火煖茗末香行盤果餌如
蜂房就中脆餠專歲物四座齒頰鏘冰霜小兒但喜
新年至頭角長成添意氣老翁把盃心茫然增年反
爾減吾年荆釵勸酒仍親願願翁年更長無健君看

今歲舊交親大有人無此
至分老翁飲罷式微猶明
朝重來醉屠酥

打灰堆詞

范成大

除夜將闌曉星爛糞堆堆頭打如願杖敲灰起飛撲
離不嫌灰澆新節衣老媼當前再三祝只要我家常
富足輕舟作商重船歸大特引犢雞哺兒野蘭可纈
麥兩岐短袂換着長衫衣當前婢子挽不住有耳猶
能聞我語但我願不汝呼一任汝歸彭蠡湖

賣痴狀詞

范成大

除夕更闌人不睡，厭禳遲鈍迎新歲。小兒呼叫出長街，家有痴黠叫人買二物於人。誰獨無就中吳儂，偏有餘巷南巷北。賣不得相逢大笑相揶揄，老翁現坐重簷下。獨要買添年問價兒云，翁買不須錢奉除痴。數千百年。

燈市行

范成大

吳臺今古繁華地，偏愛元宵燈影戲。春前臘後天好晴，已向街頭作燈市。墨玉千絲似鬼工，翦羅萬眼人。力窮兩品爭先最，先出不待三五迎東風。元宵重糴參

荷鋤倦偷閒也向城中看酒鑪博塞襍歌呼夜夜
如正月半災傷不及十之三歲寒民氣如春酣農家
只幸荒年少始覺城中燈市好

祀竈詞

范成大

古稱臘月二十四竈君朝天欲言事雲車風馬少流
連家有杯盤豐腴祀豬首爛熟雙魚鮮豆沙甘鬆粉
餅團男兒酌酒女兒避醅酒燒錢竈君喜婢子鬪爭
君莫聞猫狗觸穢君莫喚迷君醉飲登天門杓長杓
短勿復云乞取利市歸來分

爆竹行

范成大

歲朝爆竹傳自昔吳儂正月前五日食殘豆粥掃罷
塵截筒五尺煨荒薪節間汗流火方透健僕取將仍
立走兒童却退避其鋒當此擊地雷霆吼一聲兩聲
百鬼驚五聲六聲鬼巢傾十聲連百神道寧八方上
下皆和平却拾焦頭壘床底猶有餘威可驅厲屏除
藥物添酒盃盡日嬉遊夜濃睡

迎春歌

明 袁宏道

東風吹煖斐江樹三衢九陌凝烟霧白馬如龍破雪

飛轎車碾水穿香度饒吹拍拍走烟塵炫服觀粧一
萬人羅額鮮明紛綵勝社歌繚繞簇芒神緋衣金帶
印如斗前列長官後太守烏紗新縷漢宮花青奴跪
進屠蘇酒采蓮舟上玉作幘歌童毛女白雙雙梨園
舊樂三十部蘇州新譜十三腔假面胡頭跳如虎窄
衫繡袴槌大鼓金蟒纏身神鬼粧白衣合掌觀音舞
觀者如山錦相屬雜沓誰分絲與肉一路香風吹笑
聲十里紅紗遮醉玉青蓮衫子藕荷裳透額垂髻淡
淡粧拾得春條誇姊妹袖來佳果搗兒郎急管繁絃

又一時千門楊柳被青枝獨有閉門袁大令塵擁書
床生網絲

走三橋詞

陸伸

細娘分付後庭難不到天明莫浪啼走徧三橋燈已
落却嫌羅襪污春泥

吳人呼唐女爲細娘

冶遊

國朝 邵長蘅

吳峯如點黛吳溪如染藍吳娃艷妝裹冶遊心所欣
玉腕黃金釧鵝鬟琥珀簪月華百褶裙香子單紅衫
二月春始半蹋青遊女伴小桃虎邱紅新柳山陰短

燒香觀音山絲繡三丈旛披釵供佛會共郎遊梵天
五月胥江怒水嬉誰競渡國扇薄不遮故教冶容露
六月荷花蕩輕橈泛蘭塘花嬌映紅玉語笑薰風香
中秋千人石聽歌細如髮十八槎伽山湖亭待串月
何許更登高吳山黃花節冶遊春後秋婉嬾不知愁
西鄉大養蠶東鄉植棉花養蠶妙條桑種花妹紡車
儂自袖手坐衣著綾羅紗

紅菱

尤侗

采蓮歌未歇又唱采菱歌頭角崢嶸甚肌膚冰雪多

紫衣能映坐羅襪解凌波我欲攀花並粧臺照翠蛾

冰窖歌

尤倬

我聞古之凌陰備祭祀今何爲者惟謀利君不見詩
溪門外二十四年年特爲海鮮置潭深如井屋高山
瀦水四面環冰田孟冬寒至水生骨一片頗黎照澄
月窖戶重裘氣湯湯指麾打水衆如狂窮人愛錢不
惜命赤脚踏冰寒割脰槌春撞擊聲殷空勢欲敲碎
馮夷宮砢砢倏驚倒崖谷淙琤旋疑響瓊玉千條萬
筍紛周遭須臾堆作冰山高堆冰成山心始快來歲

鮮多十倍賣海鮮不發可奈何街頭六月涼冰多

元和縣志卷之三十五

元和縣志卷之三十六

藝文 補從前未備

題虎邱山西寺

唐 朱長文

王氏家山昔在茲
陸機爲賦陸雲詩
青蓮香匝東西寺
日月與僧無盡時

蘇州不住遙望武邱報恩兩寺 李 紳

秋山古寺東西遠
竹院松門帳望同
幽鳥靜時侵徑月
野煙消處滿林風
塔分朱雉餘霞外
剎對金螭落照中
官備散寮身却累
往來慙謝二蓮宮

眞娘墓

沈亞之

金釵淪劍壑茲地似花臺
油壁何人值錢塘度曲哀
翠餘長染柳香重欲薰梅
但道行雲去應隨蝶夢來

虎邱寺贈漁處士

趙嘏

蘭若雲深處前年客重過
巖空秋色動水濶夕陽多
早負江河志今如髮髮何
唯思閒勝我釣艇在煙波

虎邱寺殿前有古杉一本
形狀醜怪圖之不盡

況百卉競媚若茹若媚唯
此杉死抱奇節醜

然閭然不知雨露之可生
也風霜之可寒也

乃造化者方外之怪乎遂賦三百言以見之

皮日休

種日應逢晉枯來必自隋鰐狂將立處螭闔未開時
卓犖擲槍榦叉牙求戟枝初驚鱗篆活復訝獮狂癡
勁質如堯瘦貞容學舜嶷勢能擒土伯醜可駭山魃
虎爪拿巖穩虬身脫浪欹槎頭禿似刷耕觜利於錐
突兀方相脰鱗皺夏氏胠根應藏鬼血柯欲漏龍漿
拘似神荼怒呀如狻猊鉤朽癭難可吮枯瘞不堪治
一炷元雲拔三尋黑稍竒狼頭敬宰豎蠱尾掘蟻垂

目燥那逢燿心開豈中鉞任者爲疥癰從蠹作瘡痍
品格齊遼鶴年齡等寶龜將懷締地力欲負拔山姿
未倒防風骨初僵負貳屍漆書明古本鐵室抗全師
礪礪還無極伶俜又莫持望應敵駿骨文定寫謝皮
蟠屈愁凌利騰驤恐攫池槍煙寒嶮嶮披蒿靜襪襪
威仰誠難識勾芒恐不知好燒胡往看堪其達多期
寡色諸芳笑無聲衆賴疑終倚八柱位未要一繩維
盡日來唯我當春玩更誰適年如入用直前太平其

江湖散人歌

陸龜蒙

江湖散人天骨奇，
髮搔來蓬半垂。
手提孤筇，
口誦太古滄浪詞。
詞云：太古萬萬古，
民性甚野，
無風期，
夜棲止，
與禽獸雜，
獨自構架，
縱橫枝，
因而稱曰有巢氏。
民共敬貴如君師。
當時只效烏鵲輩，
豈是有意陳尊卑。
無端後聖穿鑿破，
一派前尊千流隨。
多方惱亂元氣死，
日使文字生姦欺。
聖人事業轉銷耗，
尚有漁者存熙熙。
風波不獨困一士，
凡百器具皆能施。
鼠踈滬腐鱸鱖脫，
止失檢馭無饒疵。
人間所謂好男子，
我見婦女留鬚眉。
奴顏婢膝真乞丐，
反以正直爲

狂癡所以頭欲散不散弁髦魏所以腰欲散不散珮
陸離行散任之適坐散從傾歆語散空谷應笑散春
雲披衣散單複便食散酸醢宜書散渾真草酒散甘
醇醕屋散勢斜直樹散行參差客散忘簪屨禽獸散
虛籠池物外一以散中心散何疑不共諸侯分邑里
不與天子專隍陴靜則守桑柘亂則逃妻兒金鑑具
帶未嘗識白刃殺我窮生爲或聞蕃將負恩澤號令
鐵馬如風馳大君年小丞相少當軸自請都旌旗神
鋒悉出羽林仗續晝日只蟠龍螭太宗基永基寧

小醜背叛當殲夷某軍近自肅宗置師過轉戰爭鋒
雖必然大段剪兇逆須召勁勇持軍麾四方賊孽猶
与池死者暴骨生寒飢歸來輒擬荷鋤笠詣吏已膏
租錢遲興師十萬一日費不啻千金何以支祗今利
口且箕歛何暇俛首哀憫嫠均荒補敗豈無術布在
方策撐頹熾冰霜襦袴易反掌白面諸郎殊不知江
湖散人悲古道悠悠幸寄義皇傲官家未議活蒼生
拜賜江湖散人號

貞娘墓

羅隱

春草荒墳墓萋萋向虎邱死猶嫌寂寞生肯不風流
皎鏡山泉冷輕裾海霧秋還應伴西子香逕夜深遊

題吳中陸龜蒙山齋

殷文圭

萬卷圖書千戶貴十洲煙草四時和花心露洗猩猩
血水面風披瑟瑟羅莊叟睡醒清夢永客兒芳意小
詩多天麟不觸人間網擬把公卿換得麼

楓江夜泊

張繼

月落烏啼霜滿天江楓漁火對愁眠姑蘇城外寒山
寺夜半鐘聲到客船

虎邱

朱俞柱

突兀浮圖插翠微
吳王事迹總成非
寺僧未晚山門
閉不放閒雲一片飛

平江臘月廿五夜作

陳藻

昨夜宰猪家祭竈
今宵洗豆俗爲糜
燔柴夾水明如
晝
載竹當階爆禦魑
故國賽還新歲願
老翁回憶幼
年時才高命薄天
相戲我亦剛腸不
肯悲

吳王試劍石

周弼

吳王鑄劍成
自謂古難比
試之高山巔
石裂斷橫理

那無昔時人相逢于將里故宮宮中白日長春風野
田百草香有誰慷慨不平事披褐踏花推酒缸

虎邱

元楊仲友

虎是何年踞名存迹已亡塔從林外出山向寺中藏
池暗生寒氣臺荒受夕陽更無人弔古來祇爲春忙

過吳淞江

明顧觀

吳淞三萬六千頃震澤與之俱渺茫鴻雁一聲天接
水蒹葭八月露爲霜輕風設颭漁榔笛落日偏驚估
客航我亦年來倦游歷解纓隨處濯滄浪

遊虎邱

楊守陳

出城纔數里已到白雲間
但見門臨水那知寺有山
鐘鳴僧出定林動鶴飛還
石磴行行遍花宮盡啓關
春陪呂志學曾彥劉仲原
同登虎邱賦呈屠

中長老

邾經

虎邱山前新築城
虎邱寺裏斷人行
梵僧自識灰千劫
蜀魄時飄淚一聲
漸少松杉圍窰堵
無多桃李過清明
向來游事誇全盛
曾對春風詠太平

東禪寺

李應楨

松杉滿院風豆莢一籬綠不聞車馬喧時有高人宿
己巳九月舟次相城 王 鏊

幾年約茲游爲訪石田叟石田今已亡不使此言負
相知三四人挈舟過湖口行行抵相城自卯將及酉
四顧何茫然天水合爲藪茅屋數家存荒蒲與衰柳
本來魚鱉宮自合鷗鷺守始田舍爲誰餒也非自取
有司事誅求亡者十八九念此爲徬徨獨立延佇久
作詩當風謠以告民父母

夜登虎邱次韻

錢 穀

遙憶梅花閣，還思修竹林。
煙迷山徑窄，雲鎖石苔深。
香界期重宿，筠亭擬更臨。
悠然停采轡，燈火晚陰陰。

遊虎邱

伊 乘

舟行山在眼，到門山忽失。
去郭僅七里，華磴窮百尺。
巖姿互明晦，潭影杳深黑。
步倦松暫憩，醉眠草堪席。
不逢試劍人，猶覩試劍石。
臺殿半空起，雞犬下方隔。
經聲雜梵唄，禪定悟空寂。
晉唐歷劫多，劉白不世出。
閱劇因殊調，登覽各有適。
重來預作期，昨游宛然憶。
了性未有因，寓形何苦役。
依此懽忘歸，於焉永終日。

徑虎邱寺閣

龔堅

茲山寶薈蔚能使流目迷高閣出樹顛連峯亘其西
平生山中客今來始攀躋浮圖勢更高登之憚層梯
聊此臆間眺已覺飛鳥低平霄帶曲水遙見來時蹊
高下各有適物理將無齊

劉憲石招遊虎邱奉答

蔣臣

山川猶昨日金虎氣全凋萬事蹉跎盡千秋涕淚遙
寒蟄依書舫欲柳卧平橋勝地欣相見何年復此宵

虎邱春步

陸壽民

好鳥語芳樹春山遠近看
舞臣振龍策度地跨雲鞍
綳袖翔飛燕青箋賦木蘭
雨餘客去後新月上欄干

拜文信國祠下

金鉉

復婚自天運臣道無終窮
殉節士所恆寧足矜子功
偉哉一文士毅然任卽戎
棘行若履坦所在吟淒風
一息苟可奮安忍卽瘖
聾九死固所甘但惜炎運終
堪嗟生祭者不足語微衷

塔影園

萬曰吉

半壁依青嶂千峯落翠微
草堂冰雪路山見嵒蘿衣

斷塔仍栖鴿荒岡亦采薇中原方格鬪坐卧掩柴扉

虎邱弔五人墓

李之椿

亂賊兒孫擁安危呼吸爭五人能就死衆正始俱生
矯逆原非詔拳兇不爲名忠烈今尚在時映夕霞明

虎邱春眺

朱 隗

桃花水漲沒桃溪掩映紅橋碧草齊萬樹垂楊深雨
裏村南村北鴉鵲啼

五人墓

吳刻晦

尚公坐羣兒趨清流士當受誅周吏節濫汎淚尚公

聞檻車逮吏部行吳民驚毛開府暗無聲較尉言尚
公詔嗟鼠輩勿聚嘯謂汝輩出天子尚公誰惡敗爾
五人呼萬人起纔帥血滴泥裏此五人良非愚慷慨
死真丈夫虎邱南巖以馳巍然者尚公祠廟未成米
山傾山南土俄已平廢墓下新碑樹巍然者五人墓
客虎邱中秋無月

項聖謨

驚心吳楚客倏忽度中秋明月生何處微風倚寺樓
孤吟淹北渚極目望西疇夜靜風傳柝江皋動遠愁
封門化城菴留別社中諸友

讀 微

相送了無意臨岐忍黯然回看吳苑樹獨上秣陵船
春老還山路江昏欲暮天白鷗休避我拍拍碧波圓

虎邱

國朝 王士正

閨廬繡業夕陽沉鐘梵空山自古今劍去虎邱青嶂
在水枯鶴澗碧苔侵吳宮歌散聲猶苦越絕書成怨
不任惟有生公臺畔石年年白月照禪心

二

登臨一上可中亭疊嶂回巒面面青苔日山堂誰說
法至今片石尚橫虛四圍竹翠晴猶滿萬壑鐘音晚

更聽乘興探梅竟忘返白公堤外雪冥冥

闕廬墓

王士正

劍池春日水清虛石壁臨風弔闕廬於越行成誰效
猶夫椒往事重欲歎飄零王氣傳金虎寂寞空山苑
玉魚太息恩讎竟何在荒臺青草認姑胥

虎邱雪浪軒眺望

王士正

高閣滴春雪溪山如畫圖輝輝浮震澤霽霽眺吳都
遠近清暉合瓏璵碧樹扶諸天坐來腹香積下飢烏

五人墓

王士正

流連虎阜遊宛轉山塘路石門映廻波英靈此中聚
滿壇松桂陰落日青楓樹生傍伍胥潮死近要離墓
千秋忠介墳鬼雄誓相赴酹酒拂蒼碑寒鴉自來去

東禪寺林酒仙祠

朱彝尊

獨被珠林戒惟食米汁甘醉鄉仍此地古佛與同龕
北碕遺銘在中吳舊事諸門前留綠樹過客每停驂

閻廬墓

汪懋麟

吳王好寶劍殉葬埋山隅發卒千萬人桐棺藏玉帛
匣沉劍池底光怪時有無祖龍欲求劍愛塚欺劉郎

忽見白虎踞徒旅皆驚趨此事終茫昧理勢豈然乎
吳宮有嬌女蒸魚命忽徂送葬舞白鶴聚觀萬民俱
發機盡掩之白骨成村墟湛盧惡無道入楚潛去吳
魚腸殺王僚背逆良可吁磐郢送死女寶劍皆空虛
誰能起歐冶此說聞風胡古鐵亦有靈亂邦詎能居
王道自無敵一劍真匹夫區區吳與秦所見亦何愚

真娘墓

孫枝蔚

世上美人偏不久看花時節舞裙朽化爲黃土香春
風何況當筵親勸酒無人經過不題詩爲問芳魂知

不知墳前草色青如此城裏歌聲那可通

短簿祠

鄭日奎

我過短簿祠喟然起太息歎君筆如椽乃供幕中畫
喜怒操人意陰謀復誰識嗟乎海西廢安知非君策
晉祚方中微廟堂孰努力強私而弱公難免春秋責
一祠空復在烜赫已非昔短簿非美名傳呼不與易
信知衆人口嚴於聖人筆寄語文章士身名當護惜

二姜先生祠

潘耒

軾轍齊名世早知百年忠義繫人思恐傳不盡誰計

日義想銜刀伏闕時兩地青燐埋宿草一山紅燐妥
新祠吳門野老多相識雪涕爭看幼婦碑

虎邱二姜先生祠

王焜

掖垣抗疏觸天威拜杖淋漓血染衣遂戍孤臣終守
節罷官難弟竟無歸宣州藻塋依靈爽茂苑荒祠隱
翠微下馬行人奠椒醑千秋孤竹並光輝

沈莊樛幽居

馮勗

楊柳塘東更向東綠蒲紅蓼各成叢三家村口少人
過獨木橋邊有路通老屋短垣披薜荔主人長日注

魚蟲客來彷彿桃源內
雞黍爲歡話古風

竹垞先生留宿楓橋慧慶寺夜話追悼陸文孫

徐永宣

朔風號怒紙牕前
憶舊僧爲感逝川
鄉曲公憐楊柳
監天涯吾悼李龜年
雪深院落妻無絮
葉擁階除突
少煙此夜楓青燈影黑
鼓寒霜重不成眠

訪汪鈍翁先生故居

繆沅

山光塔影尚嶙峋
遺築卽南野水濱
草沒垣衣何限
感乞花場上弔詩人

虎邱同侯粲辰華子山訪山陰戴隱君南樓

杜 詔

其理登山屐兼停訪戴船誅茆容大隱宿草泣高賢
南枝賣字
英徐侯齋往事空禾黍傷心只杜鵑鹿襟聊一洗清
挹第三泉

楓橋舟次

王國炳

昔年曾宿楓橋下澹蕩春風漁火夜亂挽垂楊綰畫
橈吳娘低唱雨瀟瀟重來且醉楓橋酒秋江無復青
青柳惟有寒山夜半鐘依然飄到客船中

同徐曜菴過萬壽寺

張大受

同過精藍地看題舊日名閣非禪月記鐘是福寧聲
老樹雲遮屋清溪月傍城遊人延佇久嬾散一僧迎
邀樸村夜話鏡虹橋

張大受

四先生後君傑出諸少年場僕未能橫港扁舟邀忽
至將門小閣快同登名流星散空傳鳳健筆風生似
脫鷹爲把鏡虹橋畔盞鬚眉歷落照泓澄

補吳趨吟

李必恒

幼伶

髮髻束髮兒白皙乃無比疎疎眉眼好粲粲脣齒光
五歲教識字從師按宮徵手口兼授受辛苦肄鞭箠
技成鄰里賀父母爲色喜挾之走四方飄然離桑梓
登場傅粉墨當筵矜爪觜參軍與老鶻覩顏不知耻
本心漸放失垂老悔莫徒先王分四民農工商賈士
各各有常業服習自幼始所以風俗完淳閭閻臻上理
梨園肇李唐近代益波靡吳儂貫成習比閭莫訾變
生兒教義方畧獲陷童穉隸籍僑教坊編戶弗與齒
若爲急謀生所獲寧有幾輪輿與梓匠執一亦足恃

或云此有由豪門及王即千金裴觀偏舉部導聲伎
豈忍捐骨肉乃爲重貲餌上好下必甚此論誠近理
愚氓固難喻陋俗會應洗何當設厲禁是用曷君等

濫刻

結繩旣已遠書契日以頽竹素事鈔謄歷力亦孔艱
刊木於石晉九經方流傳踵事復彌精景祐書局始
濫觴遂橫流未若今代然白頭老講師橫身諸坊肆
餘計拾朱程口舌如翻翻移時變黑白其言皆無稽
亦有殺猶子操觚肆譏彈假此立名善提管諸君

翩翩寡學徒聲韻粗能諳行卷如束筭贈送多厚儀
紛紛逮百家媒褻至裨官如賈競牟利各各爭雕鐫
此事江南盛此風吳會繁薰蕕誰能判梨棗抑何宜
真堪剡谿弔翻思羸秦燔我欲血面請板本塞其源
六經暨子史日月懸不刊其餘悉禁止一切從焚蕪
息邪而放淫庶爲聖道開衆喙一朝靜正始徐白雲
惜權不我有伊誰砥狂瀾

上巳陪汪隸園吉士彭瞻庭編修泛舟山塘分
得麗字

徐昂發

江水碧於雲春山亂若薺
蒿棹斜衝香荇開蒲帆半
倚東風銳恰是棠梨寒食
天紗衣羅扇還修禊主人
勸客頗黎春螺璣銀柞自
佳麗推簾寫入明鏡光華
峯倒影搖青鬢花朵如釵
紫蝶銜波鱗沒卻行人揭
依依板枕出山塘破鼻花香
沙路霽赤欄橋畔酒旗
翻白鷺灘頭絲絃繫何處
清歌初碧霄杪檀小板琵琶
候斷腸人載油壁車一路
鶯聲官柳細紅裙取醉
共吾事曲欄幽巖欣一憩
況從仙老侍琴壺嘲談
雅興根蒂打漿迴船夕氣
昏新月梢梢墮衫袂主人

續剪燐燭煙壓酒甘酸粢蕉荔官鼓初搗漏板鳴
鉤更賭芳鶯謎欹斜醉眼眩紅綠亂襲蠻牋寫清製
樽前回首真孃墳柘枝紫袖今荒碣明朝風雨却獨
來滿地落花誰奠瘞

澹泊居花下招同惠仲儒鄭季雅沈歸愚徐龍
友王斗文小飲作歌卽送季雅入都

顧紹敏

清明雨過春濛濛情懷索莫如寒蛩西河有淚久鳴
咽夜半夢覺驚惺忪古香荒土翻新塚一杯清醕澆

蒿蓬書齋魚尾鎖寂寞蛛絲罥席垂簾櫳誰知造物
每多事也復亂發花叢叢飄然兩本色欲絕開軒一
笑驚春紅家人怪我少歡緒依然羅幕張輕風竹萌
如玉鱗如雪好友招集開醇醪索即快覩碧碗凍花
光酒色相曠曉清平三調久稱絕元興一賦誰爭雄
諸公才思並清俊妍雅合度吹笙鑪所疑雲龍本一
氣愈何軒達郊何窮飲停鄭子語刺促忽爾言別辭
江東榆錢散打綠陰暗黃沙撲面飛鬢懸去年作客
太無賴秋南春北隨飛鴻如束腹卧窮老卷書歸

讀聽長松鄭子掉頭意不爾令我愁別悲忡忡

五人墓

朱奕恂

花市東頭俠骨香
斷碑和雨立寒塘
屠沽能碧千年血
松檜猶飛六月霜
翠石夜通金虎氣
荒邱晴貫斗牛芒
片帆落處寒清藻
幾伴歸鴉弔夕陽

弔五人墓

林明倫

西市繁霜日南鄉
貫索中歌詩憂板蕩
占象歎屯蒙
國柄歸旁落
刑餘蔽主聰
衣冠嬰赤族
屠狗叫蒼穹
竟觸貂璫怒
誰憐骨鯁忠
捐生片語易
仗義五人同

道直心寧悔名存死不空招魂隄水上葬骨武邱東
墓草侵階綠山鵲帶血紅要離三尺土千古共英風

虎邱題壁

陳恭尹

虎跡蒼茫霸業沉古時山色尚陰陰半樓月影千家
笛萬里天涯一夜砧南國干戈征士淚西風刀剪美
人心市中亦有吹簫客乞食吳門秋又深

簪包船紀事

王應奎

有船銳其首以簪包裹之名爲簪包船聚泊疑茅茨
浮家無定所忽湖忽江酒居貨挾土產擅長兼卜醫

中有無良者行乞同殘黎詎料豺狼心所志竊童兒
神咒與餅餌給兒兒輒迷牽引至船中毒手恣所爲
或爲瞞其目或爲攪其肢或屈曲其體如簾條咸施
形骸幾變盡父母居然疑清晨負之出索錢號九達
夕仍負以入傾倒囊中資數餉有不充攢刺加鞭笞
苟延此殘喘性命危如絲有時更肆惡視彼羸幹肥
入之人鮮甕飽噉若餽康吸兒腦與髓嚼兒肝與脾
從此筋骨強便可耐刀錐更開藏秘器賣以療疔癰
一七爲神膏索值恒不啻淫人所長生食之甘如飴

又聞湖海濱茫洋有神祠曰抽筋姆此輩所皈依
重午暨中秋廟門塞靈旗羣船競祭賽以兒爲牲犧
祭罷飲福酒狼籍路與慨年來迭敗露官長胥周知
勿問所從來立斃陳其屍謂足抵兒命此外無窮治
不究其本根徒然剪旁枝官長法深刻何獨偏仁慈
其毒仍滋蔓其故難尋竄誰爲采風者聽我歌此詩

謁文信國祠

沈德潛

先生今不死萬古仰完人興喪出天命安危仗此身
厓山俱赴難燕市獨成仁遺廟平江路輝煌俎豆新

二

故君淪漠北幼主立中朝
家國存餘燼風霜識後凋
臣心指南錄天意浙江潮
此日羞蘋藻誰人賦大招

三

一旅圖興復孤臣立國難
俘囚歸北地生死著南冠
正氣千秋在丹心後代看
西臺舊賓客慟哭淚沍澗

四

旌節臨吳地今傳信國祠
蛟龍蟠古柏風雨卷靈旗
高棟巍峩日忠魂陟降時
朔方起輦谷寂寞幾人知

塔影園文讌

沈德潛

桂香入座午風清
簪盞閒園會友生
嘉客鵲羣來鹿水
仙槎浮浪白滄瀛
吾衰幸未車生耳
頰聚欣占鳳善鳴
若箇當筵馳陣馬
文成先吐句庚庚

二

對酒當歌歌可夫
由來良會重吾吳
文章聲價開金石
霜葉消沉弔蟋蟀
嵐翠斷邊銜落照
波光定處卧浮圖
興高狂語頻驚坐
依舊江湖一釣徒

三

社事飄零散慎交敦槃此日續西郊迤存武備三
益象取乾離玩六爻剖異正須分黑白和聲終貴令
紗袍諸君預擬明堂詠肯效揚雲作解嘲

四

地是野王文熱地時當白帝駐車時千秋懷古每如
此四國名流某在斯深喜蘇東坡真有子還希杜甫願
多師只慙老我摧頽甚空艷梅村修禊詩

虎邱玉蘭歌

沈德潛

虎邱山背玉蘭樹千春疑有神明護臃腫拳曲仍高

撐腹空嶽石同兒乳幹如虬龍根積鐵天成轉似人
工鑄花開冷艷漫雲衢覆蓋招提徧瓊瑤行人高望
眩銀海清氣逼餘難久注傳聞花石成綱年朱劬採
訪窮民間搜巖剔數貴客下苑面彷彿三神山此樹
撥遺置吳苑何異高士雲中興於今良嶽久灰燼海
湧一樹偏流傳客來正值花繁會坐對霜華增感槩
朱氏子孫遭迸逐潛逃郊外依蒿萊種花花徧轉成
名樹沿祖業猶花貴惟餘巖畔最高何曾濯官和舊
參忤人生鳥影電光同片木蒼涼開朝代舊政由茶

久已枯梅村歌後艷吳都筆墨從來能壽世賦詩作
繪仗通儒坐中恰有丹青手倩寫晴嵐古雪圖

題家匠門潮生閣

張雲章

綺疏通達岑活碧弄淺渚我欲攜被來夜聽舟人語

二

三宿戀未休百川時已滿披襟雄風來圖書四面看

觀梅高齋亭

徐夔

二月寒轉甚江梅春正賒真成冰玉骨纔放兩三花
峴曲猶殘雪池清更淺沙山公好事者頻寄一枝斜

過樾公古柏山房

徐夔

卷諸雲山虛禪房傍樹低祖師曾種柏居士忽聞
大意參牛跡吾生學馬蹄
夏秋響急猶自叫莎雞

獅子林

張鵬翀

仇池九十九嵩少三十六每誦坡公詩悠然想游目
忽逢獅子林瑰麗森萬族豈真山可移詎假地能縮
逶迤萬里勢直作巾笥蓄吳中古禪隱妙意創幽獨
劃如巨靈開倒若華頂蹙窺之繚而深入則窅以曲
盪空風馮虛穿竇日解駁欲出津已迷轉進道疑複
空靈開心達晃眩矐眼肉忽捫巖腹松小倚亭陰竹

遙想古牕閒焚香道書讀結廬慕張邵聯句聚皮陸
我來春雨餘娟麗闢新流興隨清吟豪游怕夕陽促
遠當鄰麻姑近可配林屋壺中峯欲走裊底石應慙
平生勝覽稀此夕詫奇福贏得夢魂中亂雲峯矗矗

遊師子林同喬慕韓顧景猷賦 王廷魁

我遊師子林寺遂造師子峯幾年闢靈境巧琢驚天工
後覩何狡獪特兀踞其中鏤空多石洞萬竅殊玲瓏
初入巖下穴雨氣疑溟濛才二三五步日光轉融融
曲折穿上下目眩迷西東一步一換形如入神仙宮

憩燈意恍惚臨去心恍恍忽聞松濤聲林外來秋風

八月三日上虎邱

李重華

不爲紅裙逐隊來天香吹我上層臺滿山秋日正殘暑已有桂花攔路開

同張南華虎邱後湖晚步

翁照

結伴尋秋趁小晴幽溪寂寂少人行友如作畫須求澹山似論文不喜平乍脫疎林深淺色欲殘清磬有無聲爲耽此處林泉好連袂還來坐月明

千人石夜坐

翁照

幽尋常得好懷開月冷風清獨舉杯此景有誰能領
畧千人石上一人來

虎邱

沈用濟

山以寺爲門司徒蹟尚存殿形衝木杪鐘響落雲根
虎散金精氣煙寒紫玉魂生公徒聚石無法可名言

貞娘墓

呂楷仁

艷色傾城屬舊聞依然坏土對斜曛香魂應聽生公
法舞袖歌衫付白雲

移居淥水園和秦南岡韻

朱 庚

去家百里欲歸難妻女相隨未易安終媿驚猿兼
鶴敢誇泊鳳與漂鸞蘇臺一見情如舊阜廬重逢意
暫寬況許平分花月地聯吟亦足慰飢寒

泛舟滄臺河

秦應陽

借得青蓑上釣船湖光灩澦浸春天人行細雨輕煙
外詩在新蒲弱葦邊白鳥橫飛山影破紫鱗驚躍浪
紋圓蒼茫漸覺村莊近一點漁菴傍葑田

正月一日雪中過芳潤堂用東坡聚星堂雪詩

韻

繆嗣寅

重雲凝空不成葉極目寒城萬家雪新年屏却塵事
喧出戶更喜人蹤絕茫茫遠山微可覩遮道長松壓
欲折造門早識故人在屐印階泥迹未滅新詩示我
騁雄怪碧海波翻鯨尾掣消寒共斟栢葉酒一吸盃
空醉眼纔傍檐鳥雀聲苦飢羶翅紛紛墮餘屑詩狂
醉舞足自了那惜飛光去如瞥君家客滿尊不空玉
山風雅猶堪說急收清景入毫端凍筆難呵勁於鐵

秋夜宿匠門先生湖生閣

顧若霖

閣枕清流間綠槐秋空明月滿潮來星河遶岸客登

陟草樹平江與溯迴城暗鼓聲隨水上風鳴燈影趁
船開不知黃葉臨牕急破夢清寒觸似雷

闔廬墓

周 準

閭廬舊壤草萋萋遺墓猶存澗畔蹊孤嶺何年傳虎
踞碧林盡日祇烏啼長驅蚤見威荆塞積怨寧忘渡
越溪太息霸圖旋廢棄九原回首迥含悽

謁甫里先生祠

周 準

江湖永栖托生計甘不飽終古散人祠市塵不相擾
名高匪絕羣性直詎鄰綬嫌漁具傍猶有徵書攬

清風動遠懷誰同薦溪茆

網師小築十二詠

宋宗元

北山草堂

樹萱堂之北結屋山之南屋數謀還葺山幽許更探
爲貧歸未得濟勝具猶堪比今多賢達與沈歸愚彭芝庭諸公爲
比花時興正酣

梅花鐵石山房

敢托餘芬遠芳型屬在茲賦中窺骨餘花亦想辛安
韻自開元勝香寧鄧尉花開期共證只恐不可入

濯纓小閣

倒影春飛閣波澄似鏡明晨光涵其潔晚唱溜同清
脫帽三盃醉枕肱一榻橫覺來臨檻照咄咄尚塵纓

花影亭

孤亭空所有笛弄落花天雁漏雲間字苔沉石上泉
筠簾風細細鏡檻月娟娟好共歌喉轉跼蹐趁舞筵

麗囑樓

底似凭樓好南園淑景回日篩花影碎鶯逗柳煙開
四野霞成幄千村錦作堆誰當一攬盡取次付敲推

度香艇

信宿憐漁父生涯足釣船蕭疎一簞雨杳靄半池煙
遮莫浮家久相將繫艇偏風來香滿座何似棹前川

半巢居

古風懷木處野性愜巢居借得一枝足依然三匝餘
妥紅裯自滿生白室偏虛只欲摩吾腹憑高好曬書

溪西小隱

小有天何在源深徑欲迷雙扉開隱現一水界東西
虹豈林梢渡雲鋤屋角畦澆書閒覓酒隔鄰喚白妻

小山叢桂軒

結山不厭小，種桂却成叢。
位置三椽屋，婆娑一畝宮。
影搖歌扇月，香趁酒旗風。
更愛軒東望，排青蔽遠空。

斗唐廬

山靜日逾永，消磨寄一廬。
打頭成率爾，容膝便悠然。
吟罷焚香坐，酣來倚枕眠。
何須營廣廈，只此足安禪。

無喧廬

避喧漫道幽，棲穩心遠何妨近。
市居好鳥勸人，一尊
酒清風窺我半牀。
書蕭疎竹影初晴，
候歷落暮聲午。

夢餘除把未償詩債了應無剝啄到吾廬

蹈和館

自笑棲栖謀室處書生頭腦故冬烘大裘萬丈香山
老廣厦千間錦里翁憐我一寒聊自娛愧他三昧與
人同搆來煥館猶謁舍也假人工輔化工